



REPUBLIKA E SHQIPËRISË

## PROJEKT VENDIM

Nr. \_\_\_\_\_, datë \_\_\_\_\_. \_\_\_\_\_. 2023

PËR

### PËRCAKTIMIN E RREGULLAVE TË HOLLËSISHME PËR LLOJIN E DOKUMENTEVE, PËR PROCEDURËN ADMINISTRATIVE TË SHQYRTIMIT TË KËRKESËS, MËNYRËN E PAGESËS, NUMRIN E NDËRTESAVE PËR ZYRAT VENDORE DHE PËR KUFIJTË MAKSIMALË TË QIRASË PËR ZYRAT QENDRORE DHE VENDORE TË PARTIVE POLITIKE

Në mbështetje të nenit 100 të Kushtetutës dhe të nenit 22/1, pika 3, të ligjit nr. 8580, datë 17.2.2000 “Për partitë politike”, të ndryshuar, me propozimin e ministrit të Drejtësisë dhe ministrit të Financave dhe Ekonomisë, Këshilli i Ministrave

#### VENDOSI:

1. Ky vendim ka si objekt përcaktimin e rregullave të hollësishme për llojin e dokumenteve që duhet të paraqesë partia politike bashkëlidhur kërkесës për pajisjen me ndërtesë, procedurën administrative të shqyrtimit të kërkесës, mënyrën e pagesës së qirasë, numrin e ndërtesave për zyrat vendore, si dhe kufijtë maksimalë të qirasë që merr përsipër të paguajë shteti.

2. Partia politike që përbush kushtet sipas shkronjës “b”, të nenit 22, të ligjit nr. 8580, datë 17.2.2000 “Për partitë politike”, të ndryshuar, ka të drejtë të paraqesë kërkësë për pajisjen me ndërtesë pranë Ministrit të Brendshëm ose kryetarit të bashkisë, në territorin e së cilës kërkohet pajisja me zyrë.

3. Kërkesa paraqitet në rrugë shkresore dhe shoqërohet me dokumentet e mëposhtme:

a) vërtetim nga Komisioni Qendror i Zgjedhjeve që mesatarja e votave të partisë kërkuese në tri zgjedhjet e fundit parlamentare ka qenë mbi 1 për qind në shkallë vendi;

b) vërtetim nga Kuvendi i Shqipërisë mbi numrin e mandateve që ka partia kërkuesë në Kuvend.

4. Struktura përgjegjëse për shqyrtimin e kërkësës, në Ministrinë e Brendshme apo bashki, brenda 5 ditëve nga data e paraqitjes së kërkësës, kryen veprimet e mëposhtme:

a) kur kërkesa dhe dokumentacioni shoqërues është paraqitur sipas parashikimeve të këtij vendimi, njofton partinë politike me shkrim mbi vazhdimin e procedurës së shqyrtimit të kërkesës;

b) kur kërkesa dhe dokumentacioni shoqërues nuk është paraqitur sipas parashikimeve të këtij vendimi, njofton partinë politike për plotësimin e të metave brenda 10 ditëve nga marrja e njoftimit. Mosplotësimi i të metave brenda afatit të caktuar përbën shkak për mospranimin e kërkesës.

5. Struktura përgjegjëse për shqyrtimin e kërkesës, në Ministrinë e Brendshme apo bashki, brenda 15 ditëve nga njoftimi mbi vazhdimin e procedurës së verifikimit ose përfundimit të afatit për plotësimin e të metave, kërkon informacion nga Agjencia Shtetërore e Kadastrës, nëse ka prona shtetërore të lira, në administrim të pushtetit qendror, ose në pronësi apo përdorim të pushtetit vendor.

6. Agjencia Shtetërore e Kadastrës informon strukturën përgjegjëse, sipas pikës 5 të këtij vendimi, brenda 15 ditëve nga data e paraqitjes së kërkesës.

7. Brenda 30 ditëve nga data e marrjes së informacionit të përcaktuar në pikën 6 të këtij vendimi dhe verifikimit nëse partia politike plotëson kushtet e parashikuara në shkronjën "b" të nenit 22 të ligjit nr. 8580, datë 17.2.2000 "Për partitë politike", të ndryshuar, struktura përgjegjëse harton relacionin shpjegues për secilën parti politike ku pasqyrohen të dhënat e dokumentacionit të paraqitur dhe arsyet mbi propozimin për pranimin ose refuzimin e kërkesës për pajisje me ndërtesë.

8. Relacioni shpjegues, së bashku me dokumentacionin shoqërues, i paraqitet ministrit të Brendshëm apo kryetarit të bashkisë.

9. Kur kërkesa është pranuar dhe ka ndërtesa të lira, sipas pikës 5 të këtij vendimi, ministri i Brendshëm apo kryetari i bashkisë, sipas rastit, lidh kontratë huapërdorje me partinë politike që ka të drejtën për pajisjen me ndërtesë.

10. Ministria e Brendshme dhe bashkitë, që kanë lidhur kontratë huapërdorje, sipas pikës 9 të këtij vendimi, i përcjellin për njojje një kopje të kësaj kontrate Komisionit Qendror të Zgjedhjeve.

11. Kur nuk ka ndërtesa të lira, struktura përgjegjëse në Ministrinë e Brendshme apo bashki, njofton partinë politike mbi të drejtën për të marrë me qira ndërtesa për selinë qendrore dhe zyrat vendore, të paguar nga shteti, duke paraqitur dokumentet e mëposhtme:

a) kopje të njehsuar me origjinalin të kontratës së qirasë të lidhur me pronarin e pronës në të cilën partia politike ka selinë qendrore;

b) kopje të njehsuar me origjinalin të të gjitha kontratave të qirasë të lidhura me pronarët e pronave në të cilat partia politike ka zyrat vendore, në territorin e se cilës bashki.

12. Shteti paguan qiranë e selisë qendrore dhe zyrave vendore të partisë politike përmes ndihmës financiare vjetore të përcaktuar nga Komisioni Qendror i Zgjedhjeve.

13. Komisioni Qendror i Zgjedhjeve, në përcaktimin e masës së ndihmës financiare vjetore për partitë politikë, mban në konsideratë edhe masën për pagimin e qirasë për zyrën qendrore dhe zyrat vendore të partive politike, sipas kontratave të qirasë të përcjella nga partitë politike.

14. Shteti paguan qiranë e ndërtesës për selinë qendrore dhe për jo më shumë se një zyrë vendore për çdo parti, brenda territorit të një bashkie.

15. Shteti paguan qiranë e ndërtesës për një sipërsfaqe jo më shumë se  $100 \text{ m}^2$  për selinë qendrore dhe jo më shumë se  $50 \text{ m}^2$  për zyrat vendore të partisë politike, për një vlerë jo më shumë se  $1000 \text{ lekë/m}^2$  në muaj për zyra me pajisje dhe jo më shumë se  $750 \text{ lekë/m}^2$  në muaj për zyra pa pajisje.

16. Efektet financiare për përballimin e shpenzimeve për pagesën e qirave të ndërtesave për selinë qendrore ose zyrat vendore të partive politike, sipas përcaktimeve të këtij vendimi, përballohen nga buxheti i shtetit në formën e fondit që shërben si ndihmë financiare publike për kryerjen e veprimitarisë vjetore të partive politike.

17. Ngarkohet Ministria e Brendshme, Ministria e Financave dhe Ekonomisë, Komisioni Qendror i Zgjedhjeve, njësitë e qeverisjes vendore dhe Agjencia Shtetërore e Kadastrës për ndjekjen dhe zbatimin e këtij vendimi.

Ky vendim hyn në fuqi pas botimit në Fletoren Zyrtare.

**KRYEMINISTRI**

**EDI RAMA**